




ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ԱԴԱՊՏԻՎ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ԲՈՒԺԱԿԱՆ ՖԻԶԿՈՒԼՏՈՒՐԱՅԻ ՄԱՐԶԱԱՌՈՂՋԱՐԱՐԱԿԱՆ ԱՍՈՑԻԱՏԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ

Հաշվի առնելով, որ Կողմերն ընդունում են փոխադարձ համագործակցությունը և փորձի փոխանակումը բուժական և ադապտիվ ֆիզիկական կուլտուրայի, կինեզիոլոգիայի և կինեզոթերապիայի ոլորտում,

Նկատի ունենալով, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

Կարևորելով հատուկ կարիքներով երեխաների ֆիզիկական զարգացման ուղղությամբ տարվող աշխատանքների անհրաժեշտությունը,

Ընդունելով Կողմերի պատրաստակամությունը՝ պրակտիկ համատեղ հետազոտություններ իրականացման, ուսանողների գործնական դասերի կազմակերպման, համատեղ գիտական միջոցառումների և սեմինարների կազմակերպման համատեքստում.

Հիմք ընդունելով սույն Հուշագիրը և փոխադարձ պայմանավորվածությունները.

Կողմերը համաձայնեցին հետևյալի շուրջ՝

1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել Հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

2.1 Սույն Հուշագրով համագործակցության շրջանակներում «Հայաստանի ադապտիվ ֆիզիկական կուլտուրայի և բուժական ֆիզկուլտուրայի մարզաառողջարարական ասոցիացիա» հասարակական կազմակերպությունը (այսուհետև՝ Ասոցիացիա) «Հայաստանի ֆիզիկական կուլտուրայի և սպորտի պետական ինստիտուտ» հիմնադրամին (այսուհետև՝ Ինստիտուտ) ներկայացնում է կինեզիոլոգիայի և ադապտիվ ֆիզիկական կուլտուրայի ուղղությամբ կրթական ծրագրով ուսումնառության և ոլորտի շարունակական զարգացման հետ կապված խնդիրները,

իսկ ինստիտուտն իր պատրաստակամությունն է հայտնում ընդունել այդ խնդիրները և գիտական հենքի վրա ձևավորել մագիստրոսական թեզերի, ատենախոսությունների և այլ գիտագործնական աշխատանքների թեմաները՝ համապատասխան ամբիոնում:

2.2 Ինստիտուտը պատրաստակամ է պրակտիկ թեմաներ առաջարկել ուսանողներին՝ հետազոտություններ իրականացնելու, իսկ Ասոցիացիան պատրաստակամ է գործուն և առարկայական աջակցություն ցուցաբերել հետազոտություն և պրակտիկ գործունեություն իրականացնող ուսանողներին տրամադրելով Ասոցիացիայի ենթակառուցվածքները:

2.3 Սույն հուշագրով Կողմերը համագործակցում են նաև.

2.3.1 Կողմերի ներկայացուցիչներից կազմված համատեղ խորհուրդների ձևավորման, թեզերի պաշտպանությունների կազմակերպման, հետազոտողների իրականացման միջոցով,

2.3.2 Բուժական և ադապտիվ ֆիզիկական կուլտուրայի գիտամեթոդական բազայի ամրապնդման գործում,

2.3.3 Հատուկ կարիքներով երեխաների համար մատչելի ծառայությունների ստեղծման և ընդլայնման ուղղությամբ,

2.3.4 Գիտական համաժողովների, սեմինարների, խորհրդակցությունների կազմակերպման շուրջ,

2.3.5 Կողմերի գործունեությանն առնչվող համապատասխան նյութերի հրատարակման միջոցով,

2.3.6 Երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների և փորձաքննությունների իրականացման աշխատանքներում,

2.3.7 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու գործում,

2.3.8 Ուսանողների պրակտիկաների և գործնական դասերի կազմակերպման, ինչպես նաև ուսանողների կարիերայի ձևավորման ուղղությամբ,

2.3.9 Գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի փոխանակման միջոցով:

3. Համագործակցության սկզբունքները

3.1 Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության և համագործակցության սկզբունքներով:

4. Եզրափակիչ դրույթներ

4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր Կողմին տրվում է մեկական օրինակ:

- 4.2 Սույն Հուշագրի լրացումներն ու փոփոխությունները կատարվում են փոխադարձ համաձայնությամբ և համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր Կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս Կողմին:
- 4.5 Հետագա համագործակցությունը կարգավորվելու է Կողմերի միջև կնքվող առանձին պայմանագրերով:
- 4.6 Հուշագրի խզման դեպքում Կողմերը պետք է անհրաժեշտ քայլեր ձեռնարկեն արդեն իսկ սկսված միջոցառումներն արագ և կանոնավոր ավարտին հասցնելու համար:
- 4.7 Սույն Հուշագիրը կնքվել է Երևան քաղաքում, 2025թ. դեկտեմբերի 8-ին:
- 4.8 Սույն Հուշագիրը ուժի մեջ է մտնում ստորագրման պահից և գործում անժամկետ:

5" Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

ք. Երևան, Ալեք Մանուկյան 11

Ռեկտոր՝ Տիգրան Սիմոնյան

Ասոցիացիա

«Հայաստանի ադապտիվ ֆիզիկական
կուլտուրայի և բուժական
ֆիզկուլտուրայի
մարզաառողջարարական
ասոցիացիա» Հ/Կ

ք. Երևան, Տպագրիչների 5/36

Նախագահ՝ Սահակ Խաչատրյան

